

四庫全書

史部

欽定四庫全書

史部

欽定大清會典則例卷三十四

詳校官檢討臣劉炳

編修臣程嘉謨覆勘

總校官原任中允臣王燕緒

校對官中書臣呂雲棟

謄錄監生臣許烺

欽定四庫全書

欽定大清會典則例卷三十四

戶部

田賦一

一上三旗

皇莊園圃

詳見內務府

一宗室莊田鑲黃旗宗室整莊四所半莊一所
園一所共地三十六頃六十畝坐落大興通武

清平谷河間各州縣○正黃旗宗室整莊五所
半莊十二所莊四所園三所共地百有六頃五
十六畝坐落涿易二州大興宛平三河寶坻順
義房山保定雄任邱各縣○正白旗宗室整莊
四所莊一所園二所共地三十六頃坐落順天
府及通州香河寶坻房山各縣沙河所等處○
正紅旗宗室整莊百四十五所半莊三所整園
五十所半園十所園四所共地千二百四十四

頃十有六畝零坐落昌平涿遼陽州及宛平文
安保定興涑水海城蓋平各縣○鑲白旗宗
室整莊百七十六所半莊五所莊八所整園八
所園二十所果地靛地網戶獵戶等地七十六
處共地千七百十有七頃十有四畝零坐落通
昌平霸薊遵化灤易滄遼陽等州大興宛平良
鄉固安永清東安香河三河武清寶坻密雲懷
柔房山玉田平谷豐潤遷安臨榆樂亭保定河

間任邱保安海城蓋平鐵嶺各縣○鑲紅旗宗
室整莊二百九十八所半莊二十三所莊五所
整園一百十有一所半園二所共地二千六百
三十頃一畝坐落通涿昌平霸灤滄延慶等州
大興宛平永清香河寶坻房山新城河間肅寧
各縣及張家口外等處○正藍旗宗室整莊五
百四十四所半莊百五十一所莊二十二所整
園百有三所半園十有九所園七十三所果園

菜園牧地五處共地五千三百十有三頃二十四畝零坐落通涿昌平霸薊遵化灤易遼陽錦寧遠等州大興宛平良鄉永清東安香河武清順義懷柔房山保定玉田平谷豐潤盧龍昌黎樂亭新城青無極保安承德開原廣寧開平各縣及冷口外等處○鑲藍旗宗室整莊二百三十一所半莊六十三所莊九所整園百有二所半園二所園三所共地二千二百五十四頃七

十四畝零坐落昌平灤安遼陽錦等州大興宛
平固安永清東安懷柔蠡高陽海城蓋平開平
各縣○順治元年

諭戶部我朝定都燕京期於久遠凡近京各州縣無主
荒田及前明皇親駙馬公侯伯內監歿於寇亂者無
主莊田甚多爾部清釐如本主尚存及有子弟存者
量口給與其餘盡分給東來諸王勲臣兵丁人等蓋
非利其土地良以東來諸王勲臣兵丁人等無處安

置故不得已而取之可令各府州縣鄉村滿漢分居
各理疆界以杜異日爭端今年從東先來諸王各官
兵丁及見來在京各部院官著先撥給田園其後至
者再酌量撥給欽此○又定諸王貝勒貝子公等準
於錦州各設莊一所蓋州各設莊一所其額外
各莊均令退出○二年題準給諸王貝勒貝子
公等大莊每所地四百二十畝至七百二十畝
不等半莊每所地二百四十畝至三百六十畝

不等園每所地六十畝至百二十畝不等○又題準分給園地內務府總管四十八畝親王府管領三十六畝郡王以下府管領三十畝各官執事人員皆給地有差○又題準王以下各官所屬壯丁計口給地三十六畝停支口糧○五年題準親王給園十所郡王七所每所地百八十畝○六年題準襲封王貝勒貝子公等祖父所遺園地除撥給應得之數外餘地不必徹出

仍留本家○又題準凡加封王貝勒貝子公等各照本爵撥給園地○七年題準給公主園地三百六十畝郡主百八十畝縣主郡君縣君各百五十畝○又題準撥給親王園八所郡王五所貝勒四所貝子三所公二所每所地百八十畝嗣後凡初封王貝勒貝子公等皆照此例撥給鎮國將軍園地二百四十畝輔國將軍百八十畝奉國將軍百二十畝奉恩將軍六十畝

一

畿輔官兵莊田鑲黃旗滿洲初次給地萬一千六百三十一頃六十畝二次給地二千五百三十八頃九十畝三次給地千三百十有三頃十畝蒙古初次給地千七百九十四頃三十畝二次給地千七百頃有十畝三次給地四百十有三頃七十畝漢軍初次給地二千頃有四十畝二次給地千一百八十八頃三十畝三次給地一

千五十三頃共壯丁地二萬三千六百三十三
頃四十畝坐落通涿昌平霸薊遵化灤安易等
州大興宛平良鄉固安永清東安香河三河武
清寶坻順義密雲懷柔房山文安大成保定玉
田平谷豐潤盧龍遷安昌黎樂亭清苑滿城安
肅定興新城唐容城完蠡雄高陽新安涑水河
間肅寧任邱交河青南皮獲鹿赤城宣化各縣
永寧衛良牧署采育里開平沙河驛德州古北

口冷口張家口喜峯口羅文峪獨石口石匣等處○正黃旗滿洲初次給地四千四百六頃四十畝二次給地九千一百七十四頃九十畝三次給地千八百七十三頃八十畝蒙古初次給地七百五十六頃九十畝二次給地千一百二十七頃十畝三次給地千八百八十四頃六十畝漢軍初次給地千二百七十四頃二十五畝二次給地千八百七十八頃七十五畝三次給

地千一百六十七頃十有五畝共壯丁地二萬
三千五百四十三頃八十五畝坐落通涿昌平
霸薊遵化灤安易滄等州大興宛平良鄉固安
永清東安香河三河武清寶坻順義密雲懷柔
房山文安保定玉田平谷豐潤盧龍遷安樂亭
清苑滿城安肅定興新城唐望都容城完蠡雄
高陽新安涑水河間肅寧任邱交河青南皮獲
鹿開平赤城宣化各縣古北口冷口張家口獨

石口石匣等處○正白旗滿洲初次給地五千七百二十七頃三十畝二次給地三千三百二十六頃七十畝三次給地四千三百三十四頃十畝蒙古初次給地千二百九十三頃七十五畝二次給地千二百四十七頃五十五畝三次給地千九十四頃五十八畝漢軍初次給地八百六十七頃六十畝二次給地千四百六十五頃二十畝三次給地千四百三十九頃七十畝

共壯丁地二萬七百九十六頃四十八畝坐落
通涿昌平霸薊遵化灤安易滄等州大興宛平
良鄉固安永清東安香河三河武清寶坻順義
密雲懷柔房山文安保定玉田平谷豐潤盧龍
遷安撫寧昌黎樂亭安肅定興新城容城完雄
高陽涑水河間肅寧任邱交河青南皮宣化各
縣羅文峪張家口獨石口古北口等處○正紅
旗滿洲初次給地二千一百二十九頃八十八

畝二次給地五千三百十頃八十四畝零三次
給地二千一百二十頃七十畝蒙古初次給地
二百三十五頃六十八畝零二次給地七百六
十五頃六十畝三次給地五百五十五頃三十
畝漢軍初次給地二百七十八頃十畝二次給
地六百四十頃八十畝三次給地三百七十頃
二十畝共壯丁地萬二千四百七頃十畝坐落
通霸昌平灤等州宛平良鄉固安永清東安武

清寶坻順義密雲房山文安保定樂亭清苑安肅定興蠡雄任邱各縣河西務等處○鑲白旗滿洲初次給地六千二百六十八頃五十畝二次給地二千六百七十四頃二十畝三次給地二千二百九十頃二十畝蒙古初次給地千十有四頃三十畝二次給地千八百六十一頃九十畝三次給地九百五十六頃十畝漢軍初次給地六百有九頃二次給地三百有三頃三十

畝三次給地四百六十六頃八十畝共壯丁地
萬五千四百四十四頃三十畝坐落通涿昌平
霸薊遵化灤易滄延慶等州大興宛平良鄉固
安永清東安香河三河武清寶坻順義密雲懷
柔房山文安大城保定玉田平谷豐潤盧龍遷
安樂亭滿城安肅定興新城容城雄新安涑水
河間肅寧任邱交河青靜海南皮赤城各縣良
牧署開平沙河驛張家口喜峯口冷口羅文峪

等處○鑲紅旗滿洲初次給地千一百頃七十畝二次給地五千七百八十七頃十有五畝三次給地二千六百十有二頃二十五畝蒙古初次給地三十五頃四十畝二次給地千三百四十五頃五十畝三次給地六百四十三頃二十畝漢軍初次給地三百七頃八十畝二次給地六百三十頃三次給地五百九十三頃七十畝共壯丁地萬三千五十五頃七十畝坐落通涿

昌平霸灤滄延慶等州宛平良鄉固安永清東
安香河三河武清寶坻順義房山大城保定豐
潤盧龍遷安樂亭清苑安肅定興新城唐望都
完蠡雄涑水河間肅寧任邱天津各縣河西務
等處○正藍旗滿洲初次給地六千一百九十
八頃七十五畝二次給地三千九百九十二頃
七十畝三次給地二千二百七十九頃四十畝
蒙古初次給地千二百三頃二次給地七百二

十三頃九十畝三次給地七百十有一頃六十畝漢軍初次給地八百八十三頃九十五畝二次給地七百三十二頃九十畝三次給地四百十頃四十畝共壯丁地萬七千一百三十六頃六十畝坐落通涿昌平霸薊遵化灤易延慶等州大興宛平良鄉固安永清東安香河三河武清寶坻順義密雲懷柔房山保定玉田平谷豐潤遷安昌黎清苑滿城安肅定興唐容城雄高

陽新安任邱青南皮各縣良牧署等處○鑲藍
旗滿洲初次給地六千五百有二頃八十畝二
次給地二千三百四十頃九十畝三次給地千
四百六十頃四十畝蒙古初次給地千五百四
十八頃三十畝二次給地二百四十頃七十八
畝三次給地三百二十二頃二十畝漢軍初次
給地七百五十八頃七十畝二次給地四百八
十三頃六十畝三次給地四百五十三頃六十

畝共壯丁地萬四千一百十有一頃二十八畝
坐落昌平涿安易等州大興宛平永清東安香
河三河武清密雲房山盧龍樂亭定興蠡高陽
涿水河間任邱獲鹿各縣河西務獨石口張家
口等處○順治元年定民間無主田房撥給八
旗壯丁○又奏準清釐無主之地安置旗下莊
頭如內有有主之地犬牙相錯勢必旗民雜處
爭端易生應按州縣大小定撥地之多寡務使

旗人聚處一方阡陌廬舍耕作牧放互相友助而後以清出無主之地與有主之地互換令旗民我疆我理界限分明經理各別○二年

諭戶部民間田房有為旗人圈占改換他出者視其田產美惡速行補給務使均平倘瞻顧徇庇不從公速撥從重處分欽此○又題準民間墳墓有在旗人地內者許其子孫隨時祭掃○三年題準副都統以上官各給園地百八十畝地六十畝○四年

題準叅領以下官各給二名壯丁地每壯丁三十畝○又定撥給地畝以見在為準嗣後雖增丁不加減丁不退各官雖升遷不加已故降革不退○又奏準上年八旗圈地內薄地甚多以致收成無望況今年東來旗人又無地耕種若將遠處府州縣屯衛故明勲戚等田撥給又恐無力者艱於運送應於近京府州縣內撥換去年薄地並給今年東來旗人其被圈之地於未

被圈州縣屯衛內撥還仍照遷移遠近豁免賦稅四百里者準免二年三百里者準免一年以後無復再動民地庶旗民兩便○又題準撥給兵丁地畝有告稱不能耕種者不準○又題準圈撥地內如有集場仍留給民間以資貿易○又定嗣後民間田屋永停圈撥○五年題準南苑海戶每戶給地十八畝○又題準各官帶來壯丁給地不數每佐領下再給十名壯丁地○

六年題準各官致仕者督撫布按總兵給園地
三十六畝道員副將叅將給園地二十四畝府
州縣遊守等官給園地十八畝○又題準公侯
伯各給園地三百畝子二百四十畝男百八十
畝都統尚書輕車都尉百二十畝副都統侍郎
騎都尉六十畝一等侍衛護衛叅領四十二畝
二等侍衛護衛三十畝三等侍衛護衛雲騎尉
二十四畝○又題準新來壯丁每名給地三十

畝○七年題準八旗舊壯丁每名撤出地六畝
撥給新壯丁○十年題準直屬民間房地有被
圈一半者不必撥補全圈者以未被圈之房地
均攤補給本州縣房地或不足以鄰近州縣存
剩房地酌量撥給○又題準嗣後圈占民間房
地永行停止○十五年題準舊例勲戚莊屯租
穀在部報收嗣後令於各本主報納多寡聽其
自便○康熙元年議準遣官發帑修築近京八

旗護莊隄岸○二年題準新來佐領給地三十畝領催給地十八畝○又題準守衛

孝陵內大臣給園地九十畝○三年題準守衛

孝陵總管給地七十二畝翼領各給地六十畝防禦各

給地三十六畝郎中給地三十六畝員外郎尚

茶尚膳讀祝官贊禮郎並內監等各給地三十

畝筆帖式內務府執事人各給地二十四畝驍

騎禮工二部執事人每名各給地六畝

嗣後守衛各

主事陵官兵奉祀執事官員皆按例撥給地畝
副內管領與員外郎同驍騎校與筆帖式

同 ○六年題準八旗地有坍塌成河者準與換
給其出贖及被淹地不準換給 ○八年

諭朕撫育羣生滿漢軍民原無異視比年以來復將民
間房地圈給旗下致民生失業深為可憫嗣後永行
停止其今年所圈房地悉令給還民間爾部速行曉
諭至旗人無地亦難資生應否以古北等口邊外空
地撥給耕種其令貝勒大臣確議以聞欽此遵

旨議準圈撥民間田房屢行停止邇來有因旗下退出荒地復行圈補者有游牧等處投來人丁復行圈撥者有因圈補時復圈接壤民地者百姓失業堪憐今張家口殺虎口喜峯口古北口獨石口山海關外各有曠土如宗室官員及兵丁有願將壯丁地畝退出取口外閒地耕種者該都統給印文咨送按丁撥給○九年議準喜峯口獨石口外並無閒土正紅旗亦無赴邊領地之

人不必撥給外應將古北口外地撥給鑲黃正
黃二旗羅文峪外地撥給正白旗冷口外地撥
給鑲白正藍二旗張家口外地撥給鑲紅鑲藍
二旗○又題準官兵地畝不許越旗交易兵丁
本身種地不許全賣○又題準官員撥補地畝
不遵部文擅撥給別項地畝者罰俸一年○十
五年覆準官員不對閱部冊支給口糧地畝者
罰俸兩月筆帖式等罰俸一月其校對冊籍乃

司官職掌堂官不必議處○二十年題準新滿洲來京歸旗者停給園地○二十四年議準直隸州縣百姓墾荒田地停其圈撥如有各處壯丁及新滿洲將上三旗

皇莊並內務府及八旗禮部光祿寺丈量所餘地畝撥給竣此項地畝撥完時別行請

旨○又議準撥給地畝不論多少停遣筆帖式均差司官撥給如不照旗員退出之地取撥將別項

地畝撥給者降三級隨旗行走○四十五年議
準撥給地畝自康熙十三年後均繫將八旗退
出地方官收存地畝撥給至今遵行但春間二
三月內已經耕種應停撥給俟九月間秋成後
始行撥地其撥給地畝移咨內務府奉宸苑轉
付八旗司並行直撫大宛二縣知照至旗人已
給之地畝不準更換其初次應行給地之新滿
洲於八旗餘地內文給○五十一年議準安設

莊屯應給屯長地畝並換給地畝均俟內務府具題移咨到部行令該撫覈明之日與內務府委官公同換給○五十二年覆準容城縣文出餘地十有一頃七十二畝零原繫旗退地畝仍交與莊頭耕種每畝納銀三分草一束○五十二年覆準撥補莊頭地畝在各該旗退出輸租地內均勻撥給不得指圈民地○五十四年覆準莊頭拖欠租銀並各處官徵官解租銀照正

雜錢糧定為一年催解如逾限不完將承追官
照例題叅○雍正三年覆準駐防外省旗人交
出地畝並內務府所交文出餘地應徵銀錢糧
米別立一案奏報考成每年按數徵完銀錢解
部糧米存貯各州縣備用仍於年終將銀錢糧
米數目由部造冊具題如有未完照未完錢糧
分數例題叅議處○六年題準直屬地方旗民
雜處時有互爭田土之事應行文內務府宗人

府及八旗都統將旗莊園賞投充各項地畝暨
皇莊地畝覈明坐落四至其餘某旗某王公官兵
有地若干坐落某縣村莊四至某處造具清冊
二本一送戶部存案一送直督照式造冊鈐印
發各州縣收貯如有旗民互爭田土即據冊察
勘審結此內帶地投充人戶有隱漏地畝一并
徹底清釐至此項案卷每年不免移換令兩翼
監督於歲終將稅過旗地若干造冊報部咨行

各屬存案○七年

諭八旗地畝原繫旗人產業不準典賣與民向有定例
今竟有典賣與民者但相沿已久著從寬免其私相
授受之罪各旗務將典賣與民之地一一清出奏請
動支內庫銀照原價贖出留在各該旗給限一年令
原業主取贖如逾限不贖不論本旗及別旗人均準
其照原價承買欽此○十二年題準八旗地畝坐落
直屬州縣為數浩繁片段錯落非逐細勘丈無

由知其確數而該佐領下領催人等貪圖私取租銀勾連地戶將餘出地畝及絕戶地畝隱匿不報亦有佃戶因無業主取租乘機隱漏認為已業者更有隱匿年久竟認為墾荒首報納糧者此非經管人員不能悉其界址底裏令八旗都統各委叅領一人於農隙之時會同州縣清丈將所有餘地及絕戶地畝按照肥瘠酌定租數交地方官徵租解交藩庫彙行解部倘有恃

強阻撓勘丈者令理事同知會同該地方官審
理嗣後凡有報出絕戶之地一面報部一面委
官勘明交地方官徵租○十三年奏準園頭牲
丁壯丁人等所有賞給當差養家房地本不應
違例典賣第彼此授受相沿已久倘不勘明徹
回在園頭人等固當差乏資若概行徹回又恐
鄉愚失業令逐細詳勘如紅冊內開載之房地
並餘地本屬官物此不論紅契白契或典或賣

或指產借銀以租抵利等項均繫應行徹回者
如紅冊內不載之房地並餘地本為私業此繫
不應強徹者如用紅契典賣在冊房地繫經官
授受之項無論何年交易並已入民糧未入民
糧此在應徹之內應追給全價應免治罪者如
用白契典賣在冊房地繫私相授受之項其在
康熙三十九年清徹以前交易者民人納糧當
差既久此在應徹之內應追給半價亦應免治

罪者其在康熙三十九年清徹以後交易者無論已入民糧未入民糧此在應徹之內不應追價且與受之人均應治罪者如園頭牲丁人等將在冊房地藉親友出名典賣與人此不論紅契白契皆在應徹之內既應追給全價仍應治藉名之典賣人罪者如將冊外典賣之房地捏報為紅冊內之房地希圖蒙溷徹回此在不應徹之內仍應治詐冒之罪者如將私置旗產典

賣與人此繫在不應徹之內應聽取贖者以上
典賣房地有冊內冊外應徹不應徹之分有典
契賣契紅契白契之別徹時又有應追價不應
追價應治罪不應治罪之殊應遣京堂官內務
府總管各一人率賢能司官各二人再令直督
委道員一人會同前往各州縣照內務府紅冊
徹底清釐其應行追價給還民人者分別追償
如有應行治罪者一面清徹即一面治罪仍將

地畝數目四至村莊造具印冊四本一存本州縣其三本呈本部內務府並該督以備稽考○

乾隆二年奏準官用旗地向在入官地內動撥今入官地畝已經分給各旗作為公產未便再行動用按直屬有駐防旗人交出在京所受之地及各莊頭退出之地又有八旗丈出餘地並戶絕無人承受之地嗣後莊園人等當差官地及奏免給還並各項官用應行補還者統於前

項地內動撥至旗人來京當差應得地畝亦在此內撥給○又奏準凡因興工修築動用旗人地畝責成地方官於興工之日即將畝數及姓名旗分造冊咨部撥補倘無故遲延以致旗民失業該管上司即行叅劾○三年

諭朕前以旗人生計貧乏者多令王大臣議將八旗入官地畝立為公產收租解部按旗分給以資養贍此等地畝內有定鼎之初圈給八旗官兵將田

賦悉行開除者亦有旗人與百姓自相交易出銀置買仍在州縣納糧者兩種原屬不同若以入官之後一概定為公產不準民買殊非朕軫念畿輔黎赤之本懷嗣後除原圈官地不準民間置買外其旗人自置有糧之民地見在入官者不論旗民準照原估價直變賣將銀解部交各旗料理生息分給旗人俾沾惠澤欽此○四年

諭從前降旨令將入官地畝仍賞與八旗以為恒產

隨經八旗大臣議稱借支庫銀於京城空地蓋屋
賞無房人居住將公產地租陸續補庫其續收地
租作何賞給永遠接濟別議具奏等語朕思此項
地畝均繫旗人舊業有因拖欠錢糧入官者有貪
婪官吏抵應賠款項入官者既賞還八旗人等仍
留公官辦不但所得地租分散之時勢難均齊而
地畝租銀官收之數亦必少於私收分賞衆人則
人多數少無濟於事勢必隨手花費此項地畝仍

令八旗官兵或指俸餉或交見銀承買為業則八旗人等各得立產於生計自有裨益承買價銀即交部以補蓋房之項其餘銀作何辦理及見有地畝作何視其肥瘠酌量等第別定價直令其認買該部會同八旗大臣等詳晰議奏欽此遵

旨議準第一等地每三十畝作價銀四十八兩二等
地作價銀三十八兩三等地作價銀二十八兩
四等地作價銀十八兩荒地作價銀十二兩凡

官兵人等領買者無論銀數多寡分作五次限
五年交完其指俸餉抵買者令坐扣五年完結
如一人名下入官地畝坐落一處頃畝數多承
買之人俸餉不敷坐扣者準先交不敷銀其餘
按季按月坐扣俸餉若無力先交不敷銀準將
不同居之親族俸餉抵買或與異姓無產之官
兵合買買後任其分割如合買人內或有事故
不準一人獨退其未完之銀令同買之官兵竣

本身應扣地價完日再行接扣地畝即令接扣
之人管業再雍正七年曾奉

世宗憲皇帝諭旨動支庫帑贖回民典旗地今公產地
價除抵還蓋造房屋所借庫銀外原繫八旗應
辦生息之項應即以此項銀發地方官贖回報
部先令原業主照原價交官給還原產如原業
主不願承領即準各旗官兵及閒散人或扣俸
餉或交見銀承買倘旗民圖利私相說合隱匿

不報及典地年久原業主不知坐落典主有心
隱匿者均照隱匿官田律治罪○又

諭戶部爾等會同八旗議奏將公產地價贖回民典
旗地等語我朝定鼎之初將近京地畝圈給旗人
在當日為八旗生計有不得不然之勢其時旗人
所得地畝原足以資養贍嗣因生齒日繁恒產漸
少又或因事急需將地畝漸次典與民間為業閱
年久遠輾轉相授已成民產今欲將從前典出旗

地陸續贖回必須於民全無擾累辦理始為妥協
再此項地畝官員內尚須扣俸認買貧乏兵丁食
餉有限無從措價勢必至盡歸富戶富戶即肯周
濟親族亦豈能多為分給則贖地一事恐未必於
貧乏旗人有益可將此旨行文直隸總督詳悉妥
議欽此○五年遵

旨議準一民典旗地動公項取贖在百姓不苦於得
價還地實懼其奪田別佃應令地方官於贖地

之時詢明見在佃種人姓名及見出之租數造冊三本一本存地方官處其二本送部一存部備案一咨送直月旗轉傳八旗鈔錄備案嗣後無論何人承買仍令原佃承種其租銀照冊收取不得分外需索如本佃抗欠租銀許地主呈官別佃若並未欠租而莊頭土豪無故增租奪種者審實治罪再田主果欲自種則佃人雖不欠租亦當退地若田主並非自種而捏稱自種

別佃者審實亦量治其罪至民有在旗地內造房立墳者如已退地其從前蓋造房屋院落並墳墓所占地基只令丈明畝數照例交租不許勒令遷移如有額外苛索及逼勒遷移者照例治罪一民典旗地不下數百萬畝典地民人不下數十萬戶一二年間未必盡能取贖若一時概令首報否則治以隱匿官田之律未免滋擾按老圈旗地界址甚為分明老圈之內但有民

產即繫私典無法可以隱匿應勘明地畝界址
旗色佐領及原業典主姓名造冊報部將承買
公產餘銀先交地方官取贖至圈外旗地或繫
民人帶地投充或繫旗人自置其有出典與民
者應竣圈地已盡取贖公產尚有餘銀再訪願
贖之家陸續辦理不必豫期行察如此則旗產
漸裕而於民全無擾累一取贖民典旗地貧乏
兵丁既無從措價即措價亦不能多買按八旗

公產及旗退餘存入官等地並此項贖回民田
不下數千萬畝應察明八旗閒散人內有正戶
正身情願下鄉種地者上地給與百畝中地給
與百五十畝下地給與二百畝令攜其妻子居
鄉耕種初種之年量給牛種房屋之資如此則
貧乏旗人永無饑寒之憂其為利賴實屬無窮
○又覆準八旗都統於閒散正戶中選其為人
安靜居家勤儉者善為開導令下鄉耕種有一

戶則令一戶前往有數戶則令數戶前往不必
指定人數亦不拘定年限陸續發往下鄉之後
仍準簡選當差初下鄉屯創立家業每戶給房
四間每間折銀十兩令地方官蓋造每名給牛
具耕種口糧等銀百兩如承買公產人等有願
令子弟下鄉耕種者亦照此辦理由部於公產
項下給發○又覆準如有旗民互相典賣公產
地畝者將賣地人等嚴行治罪出給圖記售賣

之該佐領等交部議處屯領催莊頭設法典買
旗地之民悉行治罪地畝價銀一并入官○六
年

諭聞八旗兵丁在部具呈買置官地及到該地方領
地之時往往移甲換乙將瘠薄更易膏腴非復原
指產業而歸旗之限又迫不得不同京師及嚮部
中具呈部中據呈行詢該地方官又復支吾塞責
不能為之清理大失公平之義著該部定議作何

稽察欽此遵

旨議準交與直隸總督於道員並同知通判等官內酌委數員專司督率稽察倘有仍前串通更換等弊州縣官不為清理致旗人羈延守候者察出即將該地方官嚴加叅處如承委之該管官失於覺察一并叅劾議處○七年議準清徹莊頭典賣田畝照雍正十三年原議辦理如應徹地內民人已經立墳蓋屋即令秉公定租存案

○八年議準清徹直屬各州縣莊頭私行典賣當差官地內有白契典賣一項其在雍正十三年以前立契交易代莊頭納糧者承種雖久歲有輸納之費所獲未足抵其原本酌議給與半價其並未代莊頭納糧當差者承種至今為時既久地內所獲租息已足抵其原價將地徹交莊頭當差不追還價銀若在雍正十三年以後交易者受典之年雖獲地內租息實不足以抵

其原本地既徹交莊頭應在莊頭名下追給民人半價有立契雖在雍正十三年而種地在乾隆元年者亦照雍正十三年以後辦理以及出典在雍正十三年以前而乾隆元年以後又有找價者止追所找之半價至所徹地內有民人已費工本種植秋麥者或莊頭給還民人種植工本或俟民人收麥後將地退還莊頭兩聽其便如莊頭名下應追全價半價不能當時交還

其有養家餘地及自置地畝可撥者酌定租數
令民承種限年以租抵償限滿退還莊頭管業
其實在並無餘地可撥者民價自不應虛懸即
酌量給民承種議定租數年限以抵全價半價
之數限滿退交至應徹地畝除莊頭情願自種
者毋庸置議外其有不能自種者令兩造自定
租數仍許原種之民認佃按年交租若嗣後莊
頭仍將官地私相售典及小民明知官地擅行

典買者一經察出或被首告即將地畝徹出於莊頭名下追出原價入官照盜賣盜買例一并治罪如莊頭等將官地捏稱自置民地並藉親友出名典賣乃繫誑騙鄉愚發覺之日即將地徹出於莊頭名下追出原價給主將莊頭照盜賣例治罪倘地方官徇隱不報並漫無覺察者照例議處○九年覆準民典旗地不論契載年限總以十年為率在十年以內者照原典之價

十年以外者減原價十分之一五十年以外者以半價取贖於承買公產案內撥銀二十萬兩交直隸總督或按典地年分之近遠或按坐落州縣之邱段驗明原契按年定價隨清隨贖造冊報部行文八旗令各原業主照贖價交官領回原產倘原主不願回贖準令各旗官兵承買或贖買均照五年之限辦理未經官兵贖買之先每年交直督按坐落州縣徵收官租贖買之

後將交部地價亦交直督作為陸續贖地之需
○又覆準各旗情願下屯耕種人丁造具數目
清冊飭交直督並令八旗都統遴委賢員於九
月開圈之日給咨前往會同該地方官將地畝
之肥瘠毗連之遠近按照旗分及坐落州縣詳
細較勘搭配均勻按數撥給毋致此盈彼絀稍
有偏枯仍令編成丘段將某人應得某村莊地
畝數目逐一分晰造具冊結送部以備考覈至

應需房屋行令該督通飭各屬將應撥地內如有隨地房屋酌給居住或有傾圯應行修葺者轉飭各屬據實確估造冊並將無隨地閒房之各州縣別行庀材興工蓋造應需之銀在於公產地價項下支領○十一年題準民典旗地原議以十年為率十年以外者減原價十分之一取贖如典地在十一二年或十八九年均減十分之一必至二十年始減原價十分之二則所

給價直未免偏枯應以十年為率十年以外者
每年遞減至五十年以外者仍以半價取贖其
原價較時價過重者飭令地方官隨時體察務
使地畝價直兩得其平取贖之案有造報原冊
有與契載年分遠近地數銀數多寡不符者除
契內地多年遠價少以契為準若契內之價多
於冊報察驗無浮照契取贖均於冊內聲明更
正如契偽價浮即照冊內之價取贖其文契年

分地畝少於原報均照此質驗明確倚實妥辦
至於原典轉典年分均驗對契冊以原典為主
定價回贖如原典價輕轉典價重即照原典之
價取贖其轉典之價著落原轉典之人聽其自
行補還如冊內造繫轉典無論價輕價重總按
契內原典之價回贖冊內造繫原典價重契內
轉典價輕者仍照原冊之價回贖至於找價每
有不經中保私相授受者其中誠偽難分應酌

定年分以重區別自乾隆五年四月奉到部咨
議準回贖以前實繫原報遺漏察驗中契無偽
時日相符者準其并算取贖如五年五月以後
復以找價填契內者概不準給找價以杜虛冒
至各屬回贖之案均照原冊年分遠近按次取
贖如典主因事遠出並無家屬及佃種之人可
以質問者即將地畝交官徵租原價代為貯庫
俟其事畢回家具呈驗實給發再原典莊窠場

園等地概許取贖如原典房屋或有倒塌拆蓋者均應照原報間數酌除典價若民於原典旗地內自蓋房屋及已立墳塋者飭令文明畝數照例聽其租賃不得居奇病民仍令八旗都統直隸總督嚴禁旗民私相典售每歲終取具該佐領及地方官保結存案如有發覺照隱匿官田例治罪地畝價銀並追入官該佐領地方官照失察例議處○又奏準八旗官兵承買公產

房地乃惠育旗人之至意若令原業減價取贖而八旗官兵各照原價呈買則贖買有減價原價之不齊應照依官贖減價令原業主贖回如原業主不願贖回準令各旗官兵亦照減價具呈認買扣交地價均照公產五限之例辦理○又奏準八旗公產地內有未經承買以及存退餘絕地畝共六千四百餘頃於乾隆七年酌留千頃以為各案撥補之用每年官收租息為數

既輕土豪胥役包攬侵漁之弊在所不免應於
本部及內務府各遴選賢能司官一人並令直
督特委大員同率地方官履畝詳勘地之肥瘠
將每畝實應出租若干照鄰畔地畝租數秉公
定議如地好租多整分莊頭仍照例給地十八
頃半分莊頭給地九頃不準多加如地窪土薄
租數甚少亦比照所辦差務酌量加增編成丘
段其新設莊頭照例免差一年○十二年奏準

贖回民典旗地間有丈出餘地如原業自行取贖或原業之子孫及親伯叔兄弟兄弟之子取贖者將丈出餘地不論多寡一并指交管業無庸別行作價倘原業無力取贖或無應贖之人應循例召買即照原典地畝所減價直計畝作價承買○又奏準八旗閒散人等下屯種地尚需時日見在東作方興各佃已照舊耕種恐旗人到屯收地佃戶未及收穫工本無償應按照

耕種月分之久速以定成規秋麥繫豫年布種
春融加以耘耔應以三月為率如旗人三月以
前到屯令議還工本交出地畝若四月到屯則
麥將成熟工力已多令於收穫之時主佃各半
分收秋禾粟穀等項繫三四月布種五六月耘
耔應以五月為率旗人五月以前到屯議給耔
種將地交還六月以前到屯並償工本若七月
到屯則收成已屆工力全施亦令主佃各半分

收至九月以後到屯者本年租銀仍令官徵官
解○又奏準八旗保送下屯種地人戶原議內
已經下屯種地之人仍準其來京簡選當差但
有始勤終惰之輩將所領之銀不務農事任意
費用迨至接濟無資則藉來京簡選差使以掩
飾其虧折嗣後下屯種地本人不準來京當差
如其子弟及兄弟之子有情願來京考試以及
選補差使者仍照原議辦理又種地人戶下屯

之後或有在屯病故者所遺房地其妻子可以承種聽其照舊管業如無妻子而原報下屯家口冊內有適屬可以承種者覈明詳報準其承種如止存妻室並無應行承種之人即將房地徹出令地方官召佃徵租其寡婦孤身情願回旗者即於租息銀內動給銀二十兩資送歸旗若本旗無親屬可倚情願在屯居住者照例於原給地內上地酌給四十畝中地給六十畝下

地給八十畝土房四間仍令居住至下屯種地
人戶皆散處於各州縣或遇偏災及青黃不接
之時令各該地方官會同理事同知察勘明白
與民人一例動給常平倉穀借貸振卹○十四
年題準贖回民典旗地千八百六十九頃五十
八畝並莊窠場園房屋地基各項用銀十有九
萬八千一百五十兩有奇存銀二千三百七十
兩有奇並扣京市平銀七千二百兩應歸續發

接贖地價銀內為將來贖地之需○十八年議
準嗣後旗下奴僕及開戶之人典買旗地請定
限一年令其自行首報官為回贖如繫其主地
畝應比民典旗地之例量為加重將十年以內
者即照原價減給十分之一十年以外減給十
分之二以次按年遞減俟官為回贖後聽其主
交價認領或典價本多一時不能湊交準其照
民典旗地之例於俸餉內分五限扣交若將地

畝賣給家奴是其主原不知自顧生計反得將
已棄之產分限扣俸減價認贖未免太優應令
交足見銀方準認領至旗人將地畝典賣與別
姓奴僕則與奴占主產有垂名分者不同應照
民典旗地之例十年以外減給原價十分之一
仍按年分遞減但必繫典出者方準原業主於
俸餉內照例分五限扣價認領其賣出者即將
地畝贖回入官不準認領亦不準他人承買此

等入官地畝及確準認領而原業主無力並無
俸餉可扣不能認贖者均交於八旗內務府作
為旗人公產官為收租每於歲終將收過租息
數目彙奏請

旨賞給貧乏旗人以資養贍仍令該旗及地方官不
時嚴行稽察倘有逾限不行首報或經清釐之
後復有違例典賣者一經覺察即徹地入官將
業主售主照例治罪並將失察徇隱之該叅佐

領及地方官交部分別議處其民典旗地嗣後
一并停其召買交與該旗作為公產將所收租
息歸入此案於歲終彙奏增給貧乏旗人俾養
贍益得充裕

一

盛京各駐防官兵莊田

國初按旗分處各有定界繼因邊內地瘠糧不足
支展邊開墾移兩黃旗於鐵嶺兩白旗於安平

兩紅旗於石城兩藍旗所分張義站靖遠堡地
瘠以大城地與之○又定差往蓋州收租領催
給園地六十畝○又定分撥地畝緣邊次第挨
給若不論疆界選擇膏腴徇情撥給者分別責
罰○又定錦州蓋州各官莊屯原非

欽賜者概令退出○順治五年題準沙河所以外錦
州以內八旗官員家丁每名給地三十六畝○
又題準官員莊屯兩黃旗設於承德縣沙河所

兩白旗設於寧遠兩紅旗設於承德縣塔山兩
藍旗設於錦州○十二年題準遼陽鐵嶺至山
海關八旗莊地多有在邊外者相沿已久不必
遷移令照舊種住惟酌量邊界開門勿誤耕獲
○康熙十二年題準旗人有墳墓在

盛京欲從京遷住就近守護者若將

京城所受地畝退出準撥給

盛京熟地不退者撥給荒地○十九年議準由

京城遷住

盛京當差官兵及安莊人等有將

京城地畝退還願領

盛京地畝者將彼處旗人墾出餘地並未墾荒地酌量撥給○二十五年題準錦州鳳凰城等八處荒地分撥旗民給牛屯墾每十六丁內二丁承種餘十四丁助給口糧農器○又題準黑龍江默爾根地方由部各差官一人監看耕種默

爾根令索倫達虎里官兵耕種黑龍江令

盛京官兵耕種○又題準鳳凰城等八處差大臣
三人司官八人會同

盛京將軍戶部侍郎酌量開墾○雍正十一年題
準喜峯口駐防兵丁一百名將鐵門關外大屯
官地分給每名給地一頃十有五畝七分一釐
四毫菜園四分六釐七毫八絲令其耕種照民
例分別科則按畝輸租租銀留充兵餉○乾隆

元年覆準口外熱河地方設立驛站營汛官兵
皆有

恩賞額地後因滋生日久遂於額地之外各自開墾
今悉行文出除原額外所有餘地應令按畝納
糧至古北口乃邊關重鎮駐防兵丁挈家戍守
沿邊瘠地皆繫自力逐漸開墾出息無多丈出
之地應悉賞給免其輸糧又各蒙古丈出餘地
若令納糧恐不敷養贍又內務府當差鷹手捕

牲人鞍匠等散處口外皆有開荒地畝伊等原
在內務府當差不便令其一例納糧均將見在
丈出餘地注冊亦免其納糧嗣後如再有開墾
即照例按畝徵輸○二年覆準黑龍江湖蘭地
方設立官莊令

盛京將軍於八旗開戶人內選能種地壯丁四百
名挈帶家口前往開墾每壯丁一名撥給地六
十畝蓋給草房二間每十丁合編一莊共設官

莊四十所每十莊設領催一名共設領催四名
管理由

盛京遷移家口每丁給碾磨銀五兩其家口每人
給整備行裝銀二兩沿途各給口糧撥驛站車
輛送至吉林由吉林撥運糧船仍給口糧送至
湖蘭初至湖蘭每丁給冬夏衣帽其家大口每
月給糧二斗四升九合小口半之每開墾地六
畝給籽種二斗每莊給牛六頭如有倒斃動支

庫貯牛價銀買補再湖蘭安駐兵丁各有墾種地畝不能代官莊人等助墾於每莊額給牛六頭外各多給牛二頭令全出已力墾種此牛如有倒斃無庸補給每牛一頭月給牛料糧一石二斗其家口糧給一年牛料糧給兩月皆停止每丁所受之地歲納粗細糧三十石第一年免輸第二年交半第三年全納再委撥官兵採木造屋每間各給四兩飯銀動支庫銀倉糧令該

將軍等分晰歸款奏銷竣安設官莊事竣令

盛京將軍於八旗開戶人內再察有願往湖蘭墾種官地之人應增設官莊若干再議具奏○六年議準湖蘭地方寬衍可設官莊之處尚多應將前設四十官莊內閒丁一百三十八名選擇五十名增設官莊五所撥地開墾每名給地六十畝及牛種器具口糧並每年應納糧數均照二年之例但選撥官莊閒丁不比他處移住其

每丁應給房二間每間給銀四兩五錢令其自行蓋造無庸別撥兵丁至餘丁備補各莊空闕○七年議準湖蘭左近溫德亨山並都爾圖地方土性肥饒水草佳美應將

盛京將軍察送願墾官地開戶人內選能種地壯丁五十名增設官莊五所撥地開墾其資送及撥給田房牛種器具衣帽口糧並應納糧數均照二年之例再六年增設官莊五所合之此次

所增官莊五所已足十莊之數亦照例增設領
催一名管理

一各直省駐防官兵莊田順治五年題準江寧
駐防旗員給園地百八十畝至六十畝不等西
安駐防旗員給園地二百四十畝至二百十有
五畝不等○又定浙江駐防官兵不給田俸餉
照經制支領○五年題準各省駐防官兵家口
半攜去者其在京園地半徹全攜去者全徹○

六年題準外省駐防旗員初任未經撥給園地者準令撥給其加級升任者不復增給凡應給地六十畝以下者戶部撥給六十畝以上者奏請撥給○七年題準駐防官員量給園地兵及壯丁每名給地三十畝臨清太原以無主地並官地撥給保定河間滄州以八旗退出地撥給○康熙三十一年題準將山西陽太二邑所屬享堂等六屯地畝撥給晉省駐防旗下官兵○

三十二年議準各省駐防之八旗官兵均在所
住處給與地畝

一井田改屯地雍正二年覆準內務府餘地共
一千六百餘頃拖欠錢糧人等所交地共二千
六百餘頃內以二百餘頃作為井田將無產業
之滿洲蒙古漢軍共選一百戶前往耕種每戶
授田百畝凡八百畝為私田百畝為公田共力
同養公田委本部司官察勘設立村莊蓋土房

四百間給與種地人口糧耕牛籽種農具以便
耕種並於八旗廢員內簡選前往管理○雍正
五年

諭旗人枷責治罪革退官兵並無恒業在京閒住倚靠
親戚為生以致良善之人被累維艱而伊等無事閒
游不能不生事為非將此等人察出令於京城附近
直隸地方耕種井田欽此○又

諭井田地方止有一人管理著於彼處再設驍騎校四

人領催八名料理事務俸餉升轉照在京驍騎校領催之例若升轉後仍在彼處効力者即令其帶銜在彼居住此二年在彼勤慎可用應補驍騎校之人著保送到部引見補授欽此○乾隆元年奏準設立井田試行十年以來所有承種之一百八十戶緣事咨回者已有九十餘戶循環頂補而八旗咨往種地者大都游手無藝不能當差之人到井田後仍不能服田力穡行之未見成效行令確

察實力耕種安插得所者改為屯戶按照地畝
完納屯糧於附近州縣倉內收貯備用原設之
領催改為屯長約束屯戶聽該處防禦管轄原
設之驍騎校撤回該旗補用不能力穡之戶咨
回本旗停其撥補原領田房交州縣賃耕取租
解部○又議準井田每戶原給田百二十五畝
以十二畝五分為公田十二畝五分為室廬場
圃以百畝為私田公田之糧向繫盡收盡報今

既經改為屯莊自應按畝完納屯糧應覈定科則遵照徵收改屯人戶故後有子孫者自應頂補倘無子寡婦情願守節並無親屬可倚者留地四十畝養贍即令本屯人代種完糧俟伊身後仍將地畝入官召種原撥霸州固安永清新城四州縣之地今將附近霸州者令霸州防禦管轄附近固安者令固安防禦管轄各村向設鄉長一名專供督責并戶農務交糧並稽察逃

盜賭博等事仍留供役如果能勤慎屯長有關
準其拔補○又定井田改屯地共百五十四頃
九十八畝有奇徵租解部奏報○又議準井田
驍騎校在外耕種多年一旦撤回未有可補之
闕準暫留種地俟該旗有關拔補之日即令該
驍騎校回京將地畝交還該州縣

一撥給外藩田土

國初定蒙古分為五等一等給莊屯三所園地九

十畝二等給莊屯二所園地六十畝三等以下
止給莊屯不給園地○順治五年題準丈量分
給外藩邊外地畝令各守界限不許越境○十
八年題準察哈爾大臣侍衛等酌量各照品級
撥給莊屯○康熙二十年題準蒙古新編歸旗
者停給園地

一

畿輔牧場鑲黃旗牧馬場地坐落武清寶坻縣東

自唐畦西至陳林莊七十里南自張家莊北至
上馬臺九十里○正黃旗牧馬場地坐落天津
府西北自俞家莊東北至小稍子口三十五里
西南自孫家莊東南至秋家莊四十七里○正
白旗牧馬場地坐落天津府東自好字沽西至
白家莊四十二里南自城兒上北至清溝六十
五里○正紅旗牧馬場地坐落甕山十有五頃
蘆溝橋西高陵二十七頃六十畝○鑲白旗牧

馬場地坐落通州二十四頃八十四畝○鑲紅
旗牧馬場地坐落順義縣天竺馬房村三十五
頃二十八畝蘆溝橋四頃八十畝○正藍旗牧
馬場地坐落豐臺王蘭等莊東西三十里南北
五十里○鑲藍旗牧馬場地坐落草橋十里廊
房八里○順治二年題準

御馬場王貝勒貝子等馬場皆令各按本旗地方
牧養○又題準近京廢地均撥給壯丁墾種如

撥給有餘方準為牧場○六年題準順義清河
灤縣及沙河蘆溝橋五處荒地千四百六十八
頃四十四畝潞河沙河清河桑乾河兩岸各長
五里濶三里均令丈作馬場○又題準嗣後棄
地作為牧場永行停止如沙地不堪耕種者仍
準牧馬○十二年覆準親王牧場方二里郡王
牧場方一里額外多占者察出撥給新壯丁○
三十年題準德州駐防官兵向在滄州牧馬因

越省不便將霑化縣邵家莊所有荒地令作馬場其應徵地畝銀準其豁免○雍正二年議準八旗存留牧場並牧場餘地差八旗都統一人率本部賢能官二人每旗賢能官一人令直督委道員一人公同察覈其有可以墾種者交與地方官招民墾種其不堪耕種者仍交八旗作為牧場

一

盛京牧場順治五年題準奉天中前所前屯衛中
後所三處地畝令八旗均分為牧場自東迤西
先給兩黃旗次兩白旗次兩紅旗次兩藍旗○
康熙二年題準錦州大凌河牧場東至右屯衛
西至鴨子廠南至海北至黃山堡仍留備用牧
馬不許民間開墾○乾隆十三年議準大凌河
馬場長百餘里寬三四五六十里不等甚屬寬
廣今既裁減馬羣應於馬場西界橫截十里給

與官兵就近耕種以資養贍但恐伊等日後圖利私行侵占開墾耕種有礙馬場令差往大臣會同該副都統並總管覈明應截牧場地址編定四至注冊備考○又奏準錦州大凌河馬場東至右屯衛西至鴨子廠南至海北至黃山堡大得東西長九十里南北長十八里至六十里不等折算約二百九十餘里計地萬七千九百餘頃此內應遵照原議自西界橫截十里會同

該副都統牧羣總管丈量西邊自南至北長十八里有奇東邊自南至北長二十里有奇其自東至西應截地內南界窄狹北界有山有足截者有不足十里者照依地勢裁給計地已百三十八頃有奇隨分定界址東至杏山北濠溝西至鴨子廠南至七里河北至金廠堡將裁截之處建築封堆以杜將來私墾

欽定大清會典則例卷三十四